



GIG
CYMRU
NHS
WALES

Academi Gyllid
Finance Academy

Cyllid GIG Cymru

Nid yw pob Arwr yn Gwisgo Sgrybs, Gyrfa mewn Cyllid





Cynnwys

Croeso!.....	3
Lleoliadau i Weithio Ynddyn Nhw	4
Trosolwg	4
Manylion Lleoliadau	5
Beth yw Cyllid GIG Cymru?	8
Pam fod Cyllid y GIG yn Lle Gwych i Weithio Ynddo?	9
Cyflog:	9
Buddion:	10
Sut alla i ymgeisio am swydd?	10
Trosolwg	10
Mynediad Uniongyrchol	10
Cymhwyster ar ôl TGAU/Safon Uwch	11
Cynllun 3 blynedd Rheolaeth Ariannol i Raddedigion GIG Cymru	11
Gwybodaeth Bellach	12



Croeso!

Cafodd ein gweledigaeth yn Academi Gyllid GIG Cymru ei datblygu drwy ein hymwneud â staff cyllid ar draws GIG Cymru. Mae'n canolbwyntio ar **Gyllid yn Ychwanegu Gwerth** ac mae iddi bedair prif thema – **Pobl, Arloesi, Partneriaeth a Rhagoriaeth**.

Ein huchelgais yw creu Swyddogaeth Gyllid sydd: “Fwyaf addas i Gymru ond sy'n debyg i'r gorau yn unrhyw le”

Mae'r llyfryn hwn wedi'i greu i roi gwybodaeth i chi am:

- pam mae Cyllid GIG Cymru yn lle gwych i weithio ynddo
- pa fath o rolau sydd ar gael a sut i wneud cais

Os oes gennych unrhyw ymholiadau neu os hoffech wybod mwy, ewch i'n gwefan:

<https://academigyllid.gig.cymru/gyrfaoedd-cyllid-yn-gig-cymru/>

Pob lwc

Yr Academi Gyllid

Tîm Academi Gyllid GIG Cymru



Lleoliadau i Weithio Ynndyn Nhw

Trosolwg

Mae 13 o sefydliadau yn rhan o GIG Cymru. Mae'r rhain yn cynnwys **Byrddau Iechyd Lleol**, **Ymddiriedolaethau'r GIG** ynghyd â **sefydliadau cefnogi**.

Byrddau Iechyd Lleol

Mae'r byrddau iechyd lleol yn gyfrifol am gynllunio a darparu gwasanaethau'r GIG yn eu hardaloedd. Mae'r gwasanaethau iechyd hyn yn cynnwys:


- gwasanaethau deintyddol
- gwasanaethau optegol
- gwasanaethau fferyllfeydd
- gwasanaethau iechyd meddwl

Maent hefyd yn gyfrifol am y canlynol:

- gwella canlyniadau iechyd corfforol a meddyliol
- hyrwyddo llesiant
- lleihau anghydraddoldebau iechyd ar draws eu poblogaeth
- comisiynu gwasanaethau gan sefydliadau eraill i ddiwallu anghenion eu trigolion

Dyma'r 7 Bwrdd Iechyd Lleol:

- Bwrdd Iechyd Prifysgol Aneurin Bevan
- Bwrdd Iechyd Prifysgol Betsi Cadwaladr
- Bwrdd Iechyd Prifysgol Caerdydd a'r Fro
- Bwrdd Iechyd Prifysgol Cwm Taf Morgannwg
- Bwrdd Iechyd Prifysgol Hywel Dda
- Bwrdd Iechyd Addysgu Powys
- Bwrdd Iechyd Prifysgol Bae Abertawe





Ymddiriedolaethau'r GIG

Mae ymddiriedolaethau'r GIG yn gofalu am iechyd y cyhoedd, gwasanaethau ambiwlans yn ogystal â gwasanaethau canser a gwaed. Y tair ymddiriedolaeth o fewn GIG Cymru yw:

- Ymddiriedolaeth GIG Prifysgol Felindre
- Ymddiriedolaeth GIG Gwasanaeth Ambiwylans Cymru
- Iechyd Cyhoeddus Cymru

Awdurdodau Iechyd Strategol

Ar hyn o bryd mae dau Awdurdod Iechyd Strategol sy'n cefnogi GIG Cymru:

- Addysg a Gwellu Iechyd Cymru (AaGIC)
- Iechyd a Gofal Digidol Cymru

Sefydliadau Eraill

Mae sefydliadau eraill nad ydynt wedi'u rhestru uchod hefyd yn chwarae rhan enfawr yn rheulu GIG Cymru. Y sefydliadau hyn yw:

- Partneriaeth Cydwasaethau GIG Cymru
- Cynllunio a Chyflawni Ariannol (C&CA)
- Pwyllgor Gwasanaethau Iechyd Arbenigol Cymru (WHSSC)

Manylion Lleoliadau

Mae'r tabl isod yn dangos y sefydliad ynghyd â'r ardal y mae'n gyfrifol am Wasanaethau'r GIG ynddi. Gallwch glicio ar logo'r sefydliad i fynd yn syth i'w gwefan:

Sefydliad	Yn gyfrifol am wasanaethau'r GIG yn y mannau a ganlyn:
<u>Bwrdd Iechyd Prifysgol Aneurin Bevan</u>  GIG CYMRU NHS WALES Bwrdd Iechyd Prifysgol Aneurin Bevan University Health Board	• Blaenau Gwent • Caerffili • Sir Fynwy • Casnewydd • Torfaen
<u>Bwrdd Iechyd Prifysgol Betsi Cadwaladr</u>  GIG CYMRU NHS WALES Bwrdd Iechyd Prifysgol Betsi Cadwaladr University Health Board	• Ynys Môn • Gwynedd • Conwy • Sir Ddinbych

	- Sir y Fflint - Wreccsam
<u>Bwrdd Iechyd Prifysgol Caerdydd a'r Fro</u>  Bwrdd Iechyd Prifysgol Caerdydd a'r Fro Cardiff and Vale University Health Board	- Caerdydd gyfan - Bro Morgannwg
<u>Bwrdd Iechyd Prifysgol Cwm Taf Morgannwg</u>  Bwrdd Iechyd Prifysgol Cwm Taf University Health Board	- Pen-y-bont ar Ogwr - Merthyr Tudful - Rhondda Cynon Taf
<u>Bwrdd Iechyd Prifysgol Hywel Dda</u>  Bwrdd Iechyd Prifysgol Hywel Dda University Health Board	- Sir Gaerfyrddin - Ceredigion - Sir Benfro
<u>Bwrdd Iechyd Addysgu Powys</u>  Bwrdd Iechyd Addysgu Powys Powys Teaching Health Board	Powys gyfan
<u>Bwrdd Iechyd Prifysgol Bae Abertawe</u>  Bwrdd Iechyd Prifysgol Bae Abertawe Swansea Bay University Health Board	- Abertawe - Castell-nedd/Port Talbot - Yn ogystal â rhai gwasanaethau rhanbarthol arbenigol.
<u>Ymddiriedolaeth GIG Prifysgol Felindre</u>  Ymddiriedolaeth GIG Prifysgol Felindre Velindre University NHS Trust	- Gwasanaethau canser arbenigol ar draws De-ddwyrain Cymru. - Mae hefyd yn darparu gwasanaethau gwaed arbenigol ledled Cymru drwy <u>Ganolfan Ganser Felindre</u> a <u>Gwasanaeth Gwaed Cymru</u>.
<u>Ymddiriedolaeth GIG Gwasanaethau Ambiwllans Cymru</u>  Ymddiriedolaeth GIG Gwasanaethau Ambiwllans Cymru Welsh Ambulance Services NHS Trust	Gwasanaeth ambiwlans cenedlaethol.
<u>Iechyd Cyhoeddus Cymru</u>  Iechyd Cyhoeddus Cymru Public Health Wales	Yr asiantaeth iechyd y cyhoedd genedlaethol. Mae Iechyd Cyhoeddus Cymru yn gyfrifol am ddiogelu a gwella iechyd a llesiant a lleihau anghydraddoldebau iechyd.

<u>Addysg a Gwella Iechyd Cymru (AaGIC)</u>  Addysg a Gwella Iechyd Cymru (AaGIC) Health Education and Improvement Wales (HEIW)	• Mae ganddo rôl arweiniol wrth ddarparu'r gweithlu gofal iechyd yng Nghymru fel Awdurdod Iechyd Strategol mewn: • addysg • hyfforddiant • datblygiad
<u>Iechyd a Gofal Digidol Cymru</u>  Iechyd a Gofal Digidol Cymru Digital Health and Care Wales	• Mae'n awdurdod iechyd arbennig sy'n adeiladu a dylunio gwasanaethau digidol ar gyfer iechyd a gofal yng Nghymru.
<u>Partneriaeth Cydwasaethau GIG Cymru</u>  Partneriaeth Cydwasaethau Shared Services Partnership	• Mae'n darparu ystod o swyddogaethau a gwasanaethau cymorth sy'n canolbwyntio ar y cwsmer i GIG Cymru.
<u>Cynllunio a Chyflawni Ariannol (C&CA)</u>  Finance Delivery Unit Uned Gyflawni Cyllid	• Mae'r uned Cynllunio a Chyflawni Ariannol yn sicrhau cynaliadwyedd a chyflawniad ariannol, ochr yn ochr â gwneud y mwyaf o effaith a defnydd gwariant ar iechyd a gofal cymdeithasol yng Nghymru.
<u>Pwyllgor Gwasanaethau Iechyd Arbenigol Cymru</u>  Pwyllgor Gwasanaethau Iechyd Arbenigol Cymru (PGIAC) Welsh Health Specialised Services Committee (WHSSC)	• Mae Pwyllgor Gwasanaethau Iechyd Arbenigol Cymru yn gyfrifol am gyd-gynllunio Gwasanaethau Arbenigol a Thrydyddol ar ran Byrddau Iechyd Lleol yng Nghymru.

Beth yw Cyllid GIG Cymru?

GIG Cymru yw Gwasanaeth Iechyd Gwladol Cymru a ariennir yn gyhoeddus ac sy'n darparu gofal iechyd i tua 3 miliwn o bobl sy'n byw yn y wlad.

Mae nifer o swyddi gwahanol mewn adran Gyllid; yn dibynnu ar y swydd a lefel y cyfrifoldeb gallech fod yn helpu staff clinigol i reoli eu cyllidebau a gwneud penderfyniadau allweddol effeithiol; sicrhau bod taliadau am nwyddau a gwasanaethau yn cael eu gwneud ar amser ac yn gywir; a helpu i sicrhau bod gan ysbytai yr offer a'r adnoddau sydd eu hangen arnynt.



Mae dros **900 o staff** yn gweithio mewn swyddogaethau cyllid a ddarperir gan GIG Cymru; gan gynnwys **cyfrifon taladwy**, **archwilio mewnol** a'r **gyflogres**. Mae strwythur adran Gyllid pob sefydliad ychydig yn wahanol ond mae gan adran arferol y swyddogaethau canlynol:

- **Rheolaeth Ariannol a Phartneru Busnes** -Ychwanegu gwerth a herio timau gwasanaethau drwy gynllunio strategol, rheoli newid, rheoli prosiectau a risgiau, dadansoddi busnes, rhagweld a pherfformiad.
- **Cyfrifyddu Ariannol**- Cynnal cywirdeb y cyfriflyfr ariannol gan sicrhau bod yr holl arian parod, incwm a gwariant yn cael eu cyfrifo a'u hadrodd yn unol â gofynion cyfrifyddu Llywodraeth Cymru.
- **Cyfrifyddu Cyfalaf**- Gweithio ar y cyd â gwasanaethau rheng flaen i gael y budd mwyaf o fuddsoddiadau cyfalaf.
- **Cynllunio Ariannol** - Sicrhau bod strategaeth ariannol y sefydliad yn cyd-fynd â strategaeth a chynlluniau'r gwasanaeth, gweithgarwch a gweithlu ac yn darparu cyswllt allweddol i'r broses o gynllunio gwasanaethau yn y tymor canolig.
- **Costio a Gwybodaeth Busnes** - Gweithio'n agos gyda chlinigwyr ac arweinwyr gwasanaethau rheng flaen i'w galluogi i ddeall llawn faint yr adnoddau sy'n cael eu neilltuo a'r allbynnau sy'n cael eu darparu i hwyluso perfformiad gwasanaethau a'u moderneiddio.

Gyda gwell dealltwriaeth a phrofiad, gallai **eich gyrfa** symud ymlaen i swyddi mwy technegol a dadansoddol. Bydd profiad pellach a chymwysterau perthnasol wedyn yn eich galluogi i wneud cais am rolau uwch, megis: Cyfrifydd Partner Busnes, Pennaeth Cyllid ac yn y pen draw Cyfarwyddwr Cyllid.

Bydd gweithio ym maes Cyllid y GIG yn eich herio ac yn rhoi'r cyfle i chi ddefnyddio a datblygu ystod eang o sgiliau gan eich gwneud yn rhan o dîm technegol a phroffesiynol medrus iawn sy'n helpu i wneud gwahaniaeth gwirioneddol i **ansawdd gofal i gleifion** yng Nghymru.



Pam fod Cyllid y GIG yn Lle Gwych i Weithio Ynddo?

Mae Cyllid GIG Cymru yn **lle gwych i weithio ynddo** oherwydd mae'n ddewis swydd gwerth chweil gyda chyfleoedd anhygoel lle gallwch wneud **gwahaniaeth gwirioneddol** i'ch **cymuned** leol. Rydym hefyd yn eich helpu i gyrraedd eich nod o ran gyrfa; drwy gynnal adolygiadau blynyddol ar eich datblygiad personol gallwn eich cefnogi gyda'ch dyheadau o ran gyrfa. Rydym hefyd yn deall bod eich barn yn bwysig. Rydym yn gwahodd yr holl staff cyllid i gymryd rhan mewn arolygon a rhoddwn werth ar syniadau ac awgrymiadau'r timau.

Cyflog:

Byddwch nid yn unig yn derbyn cyflog cychwynnol da, ond mae hefyd ddatblygiad cyflog lle gallwch sicrhau cynnydd yn eich cyflog drwy gwrdd â'ch amcanion.

Mae'r wybodaeth isod yn rhoi arweiniad ar raddfeydd cyflog [Agenda ar gyfer Newid GIG Cymru](#). Mae'r wybodaeth hon yn berthnasol i bob aelod o staff heblaw am feddygon, deintyddion a rheolwyr uchel iawn. Isod mae tabl sy'n dangos pwynt uchaf y cyflogau ym mhob band (yn gywir ym mis Mawrth 2023):

Band	Pwynt uchaf y Cyflog	Mathau o Swyddi
2/3	£23,000	Prentis Cyllid , Domestig, Porthor, Ysgrifennydd, Cynorthwyydd Gofal Iechyd
4	£26,000	Dadansoddwr Cyllid lefel mynediad , Nyrs Ddeintyddol, Technegydd Fferyllfa,
5	£33,000	Dadansoddwr Cyllid , Nyrs, Ymarferydd Theatr, Technegydd Therapi
6	£41,000	Cyfrifydd Rheoli , Nyrs Ysgol, Seicolegydd dan Hyfforddiant, Gwyddonydd
7	£48,000	Rheolwr Cyllid , Prif Nyrs y Ward, Rheolwr TG, Cysylltiadau Cyhoeddus a Chyfathrebu, Therapydd
8a-8d	£55,000 - £92,000	Partner Busnes Cyllid , Rheolwr Gwasanaethau, Nyrs Arbenigol
9	£95,000+	Prif Reolwr Cyllid , Cyfarwyddwr Gwasanaeth, Nyrs Arbenigol / Therapydd



Buddion:

Gan ddibynnu ar sut rydych chi'n dewis dechrau eich gyrfa ym maes Cyllid gyda GIG Cymru (gweler yr adran nesaf: Sut mae Ymgeisio am Swydd?), gallai fod gennych hawl i'r buddion hyn:

- Codiadau cyflog cynyddrannol (datblygiad cyflog)
- Wythnos waith safonol o 37.5 awr
- 28 diwrnod o wyliau sy'n cynyddu dros amser gyda'r gwasanaeth ynghyd â gwyliau banc.
- Mae Cynllun Pensiwn y GIG yn un o'r cynlluniau mwyaf hael a chynhwysfawr yn y DU.
- Gwasanaethau cwnsela ac iechyd galwedigaethol
- Disgowntiau'r GIG
- Trefniadau gweithio hyblyg i gael cydbwysedd rhwng bywyd a gwaith
- Talebau gofal plant
- Bwrsariaeth tuag at eich astudiaethau

Sut alla i ymgeisio am swydd?

Trosolwg

Mae nifer o ffyrdd i chi ddechrau ar eich gyrfa gyda ni:

- Mynediad Uniongyrchol
- Cymhwyster ar ôl TGAU/Safon Uwch
- Cynllun Rheolaeth Ariannol i Raddedigion GIG Cymru

Mynediad Uniongyrchol

Mae'r llwybr mynediad uniongyrchol yn golygu gwneud cais am swydd drwy'r wefan recriwtio, sef trac.jobs. Mae pob swydd wag yn GIG Cymru yn cael ei hysbysebu ar y wefan hon a byddwch yn cael gohebiaeth am statws eich cais yn rheolaidd.



Gallwch chwilio yn ôl swydd, lleoliad neu eiriau allweddol ar y wefan, neu hyd yn oed sefydlu cyfrif am ddim a derbyn hysbysiadau pan fydd swyddi'n cael eu hychwanegu. Bydd pob swydd wag yn rhoi gwybodaeth i chi am y rôl drwy'r hysbyseb, swydd-ddisgrifiad a manyleb y person. Mae hefyd yn cynnwys manylion am y sefydliad.

Cymhwyster ar ôl TGAU/Safon Uwch

Dyma lle gallech chi gael eich cyflogi gan Sefydliad sy'n rhan o GIG Cymru. Byddech chi wedi cael eich recriwtio trwy [trac.jobs](#). Drwy ymuno â GIG Cymru drwy'r llwybr hwn, gallech ennill gradd neu gymhwyster Technegydd Cyfrifyddu wrth **weithio, dysgu** ac **ennill cyflog**.



Os byddwch chi'n llwyddiannus i gael cymhwyster ar ôl TGAU neu Lefel A, gallwch hefyd gael mynediad i'n Rhaglen Talent Cynnar newydd.

Mae hon yn rhaglen newydd yr ydym yn bwriadu ei lansio yn 2024 a bydd yn ymgorffori'r cynllun y mae eich sefydliad wedi dewis ei ddefnyddio. Mae Prentis Cyllid neu fyfyrwr [Rhwydwaith 75](#) yn gynlluniau sydd wedi'u cynnwys ar hyn o bryd.

Bydd y rhaglen yn rhoi'r cyfle i chi ddatblygu eich sgiliau rheolaeth ariannol ac arwain ac ar yr un pryd astudio ar gyfer ennill cymhwyster ariannol yn eich sefydliad lleol, gyda'ch cyfoedion.



*Fy enw i yw **Garin**. Rwy'n **Brentis Cyllid** ac wedi fy lleoli ym **Mwrdd Iechyd Prifysgol Cwm Taf Morgannwg**.*

*Aeth fy mlwyddyn gyntaf ar y cynllun yn wych! Roeddwn i'n gallu gweld sut roedd nifer o feysydd y swyddogaethau cyllid yn gweithio, gan roi dealltwriaeth a phrofiad gwych i mi. Roeddwn hefyd yn **llwyddiannus** yn fy **astudiaethau academiaidd** ac mae hyn, nawr, yn caniatáu i mi symud ymlaen i ennill mwy o gymwysterau cyllid.*

Garin, Prentis

Cynllun 3 blynedd Rheolaeth Ariannol i Raddedigion GIG Cymru

Bydd ein Cynllun Rheolaeth Ariannol i Raddedigion yn eich ymestyn ac yn rhoi'r cyfle i chi ddatblygu eich sgiliau **rheolaeth ariannol** ac arweinyddiaeth ac ar yr un pryd astudio ar gyfer **cymhwyster cyfrifyddu proffesiynol** trwy brofiad datblygu dwys gan ddysgu gweithio ochr yn ochr â chlinigwyr a gweithwyr proffesiynol eraill.



Os byddwch yn llwyddiannus wrth wneud cais, cewch eich penodi i swydd gyllid yn GIG Cymru dros gyfnod y cynllun, a hynny gydag un neu fwy o sefydliadau'r GIG yng Nghymru.

Yn ystod y cynllun hyfforddi tair blynedd bydd disgwyl i chi gydbwysu gofynion rolau a phrosiectau cyllid gweithredol gyda chynllun dysgu seiliedig ar waith, ac ar yr un pryd astudio ar gyfer cymhwyster cyfrifyddu proffesiynol.



O'r diwrnod cyntaf, byddwch yn **rhan hanfodol o dimau cyllid** o fewn GIG Cymru, gan dreulio amser mewn nifer o **leoliadau** a fydd yn rhoi cipolwg a phrofiad amhrisiadwy i chi o'r heriau a gyfyd o ddydd i ddydd a rhoi'r cyfle i chi gymhwyso'ch sgiliau rheolaeth ariannol ac arwain. Fel cyfranogwr yn y cynllun, gallwch ddisgwyl hyfforddiant a chefnogaeth mentoriaid o'r radd flaenaf.

Bydd eich perfformiad yn cael ei reoli'n agos gan uwch reolwr a fydd yn disgwyl ymrwymiad a gweithredu i sicrhau canlyniadau. Bydd eich rheolwr llinell yn rhoi adborth strwythuredig i chi ar eich perfformiad cysylltiedig â gwaith yn ogystal â derbyn a darparu adborth ar eich cynnydd academiaidd.

Drwy gydol y cynllun bydd gennych fynediad at y canlynol:

- **Cyfaill** - sef aelod o dîm cyllid sy'n astudio neu sydd wedi cymhwyso'n ddiweddar
- **Mentor** - arweinydd cyllid a fydd yn rhannu ei brofiad gyda chi i'ch ysgogi a'ch ysbrydoli
- **Rhwydweithiau Myfyrwyr**
- **Arweinydd hyfforddiant** penodedig



Amy ydw i, Hyfforddai Graddedig mewn Rheolaeth Ariannol, Bwrdd Iechyd Hywel Dda.

Cefais sylfaen dda yn fy mlwyddyn gyntaf. Rhoddodd y cyfle i mi adeiladu ar fy nealltwriaeth o'r prif dimau cyllid, fel Rheolaeth a Chyfrifon Ariannol. Helpodd fi i ddeall sut mae'r systemau'n gweithio a sut mae'r timau cyllid yn cefnogi ei gilydd i gyflawni eu hamcanion ac adrodd gwybodaeth. Roedd hyn yn werthfawr, gan nad oeddwn wedi gweithio mewn swydd gyllid o'r blaen.

Amy, Hyfforddai Graddedig mewn Rheolaeth Ariannol

Gwybodaeth Bellach

Os hoffech ragor o wybodaeth neu ddarllen mwy o straeon, ewch i'n [gwefan](#). Gallwch hefyd [gofrestru eich diddordeb yn ein rhaglenni yma!](#)



GIG
CYMRU
NHS
WALES

Academi Gyllid
Finance Academy

Oes gennych chi ddiddordeb mewn
dysgu mwy am Academi Gyllid GIG
Cymru a'r gwaith a wnawn?

Dewch o hyd i ni yn:

Gwefan:

<https://academigyllid.gig.cymru/>

E-bost:

finance.academy@wales.nhs.uk

